

PRAVA DJEVOJČICA NEMAJU CIJENU: TRGOVINA DJEVOJČICAMA U SVRHU SEKSUALNOG ISKORIŠTAVANJA U EUROPI

Trgovina ljudima i komercijalno seksualno iskorištavanje djece, osobito djevojčica, i dalje je u porastu uprkos sve većim naporima u borbi protiv ove pojave. Tokom pandemije smo vidjeli da se društvene mreže i druge internetske platforme sve više koriste za iskorištavanje djevojčica na internetu. Iskorištavanje se odvija na samim platformama ili se one koriste kao mjesto na kojem se djevojčice vrbuju za seksualno iskorištavanje. Iako je vrbovanje djece u lanac trgovine ljudima te u svrhu seksualnog iskorištavanja u komercijalne svrhe još uvijek prisutnije u područjima u kojima su prisutni društveno-ekonomski izazovi, kao i među ranjivim grupama, mnoge djevojčice koje se iskorištavaju ne pripadaju niti jednoj rizičnoj grupi. Širom Europe se među školskom djecom sve češće prijavljuje i iskorištavanje od strane vršnjaka.

Kako bi se spriječio ovaj zabrinjavajući trend, hitno su potrebni pojačani napori usmjereni na prevenciju i rješavanje uzročnika komercijalnog seksualnog iskorištavanja djece. Važan korak koji se treba poduzeti u takvim nastojanjima jeste a se osigura da sve zemlje širom Evrope povećaju zaštitu i osnaživanje djevojčica tako što će osigurati da njihovi obrazovni sistemi uključuju module o trgovini ljudima i seksualnom iskorištavanju djece na internetu i u stvarnom okruženju, kao i module o zdravim vezama i ravnopravnosti među spolovima.

Fondacija Child10 i organizacije članice nagrađene u 2021. godini širom Evrope rade na sprječavanju te zaštiti djece od svih oblika trgovine ljudskim bićima i seksualnog iskorištavanja u komercijalne svrhe. Naš zajedničko iskustvo je pokazalo da se evropske zemlje i vlasti uveliko razlikuju kako u razumijevanju potrebe za takvim obrazovnim modulima, kao i u tome kako da se takvi modeli efikasno integrišu u različite obrazovne sisteme.

Na Evropski dan borbe protiv trgovine ljudima, Fondacija Child10 i organizacije članice nagrađene 2021. zajedno pozivaju na hitno uvođenje obaveznih obrazovnih modula za svu djecu o trgovini ljudima i seksualnom iskorištavanju djece na internetu i u stvarnom okruženju, o zdravim vezama i ravnopravnosti među spolovima u svim zemljama Evrope.

Evropske vlade sada moraju da hitno djeluju i provode takve obrazovne module u skladu s pristupom temeljenim na pravima djeteta i u saradnji s organizacijama civilnog društva, koje imaju neprocjenjivo znanje i iskustvo u ovom području. Samo zajedničkim djelovanjem možemo da iskorijenimo trgovinu ljudima i komercijalno seksualno iskorištavanje djece.

CHILD10



ELLEN
CENTRET

